



**Broj:0602-2280-12/16**

**Sarajevo: 08.12.2016.god.**

Na osnovu člana 70. Zakona o javnim nabavkama („Službeni glasnik BiH“ br: 39/14), i člana 38. i 40. Statuta KJKP "POKOP" d.o.o. Sarajevo, a na prijedlog Komisije za javne nabavke konstatirane u Zapisniku o pregledu i ocjeni ponuda broj 0602-2280-12/16 od 08.12.2016.godine, Direktor d o n o s i

## **ODLUKU**

o izboru najpovoljnijeg ponuđača  
u otvorenom postupku

### **Član 1.**

Ugovor za nabavku roba „Nabavka svježeg cvijeća „u vrijednosti od 96.651,83 KM sa uključenim PDV-om dodjeljuje se ponuđaču Masline d.o.o. sa registrovanim sjedištem u ul. Vukodolska 4, Mostar.

### **Član 2.**

Ponude ponuđača OTOKA-BAMBUS d.o.o. Safeta Zajke 25, Sarajevo se odbija u skladu sa članom 68. Zakona o javnim nabavkama („Službeni glasnik BiH“ br.39/14) kao neprihvatljiva za ugovorni organ.

### **Član 3.**

U skladu sa članom 70.stav 6.Zakona KJKP POKOP d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

### **Član 4.**

Ova Odluka stupa na snagu danom donošenja.

## **O b r a z l o ž e n j e**

KJKP Pokop d.o.o. Sarajevo je u skladu sa čl. 18 i 25. Zakona o javnim nabavkama BiH pokrenulo Otvoreni postupak za nabavku roba „Nabavka svježeg cvijeća „.

Na portalu javnih nabavki objavljeno je obavještenje o nabavci broj 775-1-1-123-3-32/16 od 14.11.2016.godine, sažetak obavještenja o nabavci objavljen u "Službenom glasniku BiH" broj 87/16.

Kriterij za dodjelu ugovora je najniža cijena.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 05.12.2016.godine u 10:30 sati u prostorija KJKP POKOP d.o.o. Mula Mustafe Bašeskije 38, Sarajevo ,što je konstatirano u zapisniku o otvaranju ponuda u skladu sa Zakonom o javnim nabavkama BiH („Službeni glasnik BiH“ broj 39/14).

Komisija je na javnom otvaranju konstatirala da je svoje ponude predalo 2(dva) ponuđača .

Komisija je prema članu 65.ZJN pristupila pregledu i ocjeni ponuda, što je konstatirano u Zapisniku o pregledu i ocjeni ponuda koji je sastavni dio ove Odluke.

Shodno prijedlogu i preporuci Komisije za javne nabavke, Ugovor za nabavku Svježeg cvijeća u vrijednosti od 96.651,83 KM sa uključenim PDV-om dodijeljuje se ponuđaču Masline d.o.o. sa registriranim sjedištem u ulici Vukodolska 4, Mostar ID 4227112880002, kao najpovoljnijem ponuđaču.

Ponuda ponuđača Otoka –Bambus d.o.o.Safeta Zajke 25, Sarajevo se odbija kao neprihvatljiva za ugovorni organ jer ne ispunjava sve uslove iz tenderske dokumentacije te se odbacuje iz sljedećih razloga. Ponuda ponuđača Otoka–Bambus d.o.o.Safeta Zajke 25, Sarajevo se isključuje iz daljeg razmatranja ponuda iz razloga što je ponuđač dostavio ponudu koja nije u skladu sa članom 8.Uputstva za pripremi modela tenderske dokumentacije („Službeni glasnik BiH“ broj 90/14 )i kako je to zahtjevano tačkom 15.tenderske dokumentacije: svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Pod čvrsto uvezanom ponudom smatrat će se isključivo ponuda tako uvezana da iz iste nije moguće izvući niti jedan dokument bez njegovog trajnog oštećenja (kao npr. knjižni uvez ili uvez osiguranim jamstvenikom). Spiralni uvez se ne smatra čvrstim uvezom osim ukoliko je dodatno uvezan osiguranim jamstvenikom.

Dijelovi ponude kao što su uzorci, katalogi, mediji za pohranjivanje podataka i sl., koji ne mogu biti uvezani, ponuđač obilježava nazivom i navodi u sadržaju ponude kao dio ponude.

Ponuđač je dostavio ponudu koja je uvezana osiguranim jamstvenikom na način da nije bilo moguće pročitati cijenu ponude bez presjecanja osiguranog jamstvenika, što je Komisija i učinila prilikom otvaranja ponuda kako bi se mogla pročitati ukupna cijena ponude, što je učinjeno u prisustvu predstavnika navedenog ponuđača i konstatovano u Zapisniku sa otvaranja ponuda broj: 0602-2280-10/16 od 05.12.2016. godine.

Ponuđač takođe nije numerisao ponudu na način da je vidljiv redni broj stranice ili lista u skladu sa zahtjevima iz tačke 15. Tenderske dokumentacije Podaci o ponudi i u skladu sa članom 8 stav 6. i 7. Uputstva za pripremu modela tenderske dokumentacije i ponude;

Sve strane ponude moraju biti numerisane, na način da je vidljiv redni broj stranice ili lista u skladu sa članom 8.stav 6 i 7. Uputstva za pripremu modela tenderske dokumentacije i ponude. Ako ponuda sadrži štampanu literaturu, brošure, kataloge i sl., koji imaju izvorno numerisane brojeve, onda se ti dijelovi ponude ne moraju dodatno numerisati.

Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova. U tom slučaju svaki dio se čvrsto uvezuje na način da se onemogući naknadno vađenje ili umetanje listova, a ponuđač mora u sadržaju ponude navesti od koliko se dijelova ponuda sastoji. Kada ponuda sadrži više dijelova, stranice ili listovi se označavaju na način da svaki sljedeći dio započinje rednim brojem kojim se nastavlja redni broj stranice ili lista kojim završava prethodni dio.

Shodno navedenom ugovorni organ je prihvatio prijedlog Komisije i donio Odluku kao u dispozitivu .

#### **Pouka o pravnom lijeku:**

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka ,a koji ne može biti manji od tri .

DIREKTOR

GORAN CEREIĆ

Prilog :

- Kopija zapisnika o pregledu i ocjeni ponuda

DOSTAVITI:

1. Ponuđačima x 2
2. Nadležnoj službi;
3. a/a Preduzeća.